



Universitätsbibliothek Paderborn

**Avla ... Thesavorvm Dei In Passione D. N. Iesv Christi
Effusorum ad Resvrrectionem Mvltorum**

Eyschen, Georg von

Coloniæ, 1655

§. 104. Tunc expuerunt in faciem eius. v. 67.

urn:nbn:de:hbz:466:1-45515

Præscripsit & dedit eam Moysi , & in ejus ore non est inventum mendacium.
An in Deum peccavit ? ipse Deum in omnibus glorificavit semper, verbo,
factis, doctrina, quibus sanâ mente nemo contradicere potest, vel calum-
niari. quid igitur mali fecit ? ut una clametur reus est mortis ! dicam, quia cum
Caipha Pontifice omnes consiliarii illi studebant avaritiæ, utilitatî propriæ
& honori, quam reprehendebat Christus in ipsis. parum curantes Danielis
Prophetiam , quâ dicit eum populum qui Christum esset occisurus, fore à
Deo rei ciedum, & urbem funditus diruendam, modo ipsi præsenti honore
gaudere possint, & non cogantur Christi disciplinæ se subiçere, qui in eorū
oculis & nimis vilis & abjectus apparebat.

O Quis mihi det, ut nunquam propriæ utilitati sic studeam, ut eam præ-
feram communi bono, aut velim propriam dignitatem magis aestima-
re, quam Dei mei honorem promovere. Tu solus Deus, à quo bona cuncta
procedant, largire mihi ut sic transeam per bona temporalia, & fruar, ut non
amittam æterna.

§. 104. Tunc expuerunt in faciem eius. v. 67.

Videte omnes cælites & terrigenæ quid hic rerum geratur. expuerunt
Sacerdotes Mosaici & seniores populi & Scribæ eorū in faciem illam vene-
tabilem, adorandam, & consolatione plenissimam quam tanto desiderio &
solatio aspiciebant prius omnes tribulati, infirmi, obfessi, pœnitentes, nec
non gentiles, dicentes Philippo Joan. 12. Domine, volumus Jesum videre :
expuunt in faciem, illam in quam desiderant Angeli prospicere: qua vita læ-
tantur Archangeli, Throni & dominationes, Cherubini & Seraphini. in hanc
tanquam angulum fœdissimum & fôrdidissimum expuunt isti fôrdes suas,
fôrdes magnas ab imo pectore extractas. Legimus ex lib. Num. 12. maximæ
fuisse ignominiam, si Pater spuisset in faciem filij, & sane erat talis consputa-
tio non aliud quam si dixisset Pater filio suo, ad imaginem meam factus es,
sed pœnitit me. Imaginem & similitudinem meam in te relucentem delere
cupio, & sicut ex me habes eam, ita ex me pessundari desidero. Hæc erat tacita
Patris filium conspicientis oratio. quanta igitur ignominia erat spuere in
faciem Dei? sicutamus hic parumper & horreamus ingratitudinem ludorum
& nequitiam. Conditor & redemptor Jesus hic sputo suo benedicto linien-
do oculos cœci, sanavit, iam pro gratiarum actione spuro infami & fôdo
variorum militum, conspergitur eius facies benedicta & quasi obca-
catur.

O Facies sancta, sole splendor, luna pulchrior, quis te ita fœdavit ut
modo agnoscere vix possis ? Tua peccata, ô homo, quæ sumpsi in me, ut
pro te Patri satisfaccerem. Mi Deus, ideo tibi sunt mille & millies mille grates.

omni momento, humiliter deprecor, ut sputis hisce vilissimis & fœdisimis
abstergas fœdisima mea peccata, ut aliquando illam faciem tuam benedi-
ctam videre merear, cum sanctis & electis tuis, in cœlo mundatus.

§. 105. Et colaphis eum ceiderunt. v. 67.

Variis modis exaggerat hanc percusionem Evangelista dum ait: *Colaphis eum ceiderunt, alii autem palmas in faciem eius dederunt, ali expuerunt, ali revelaverunt benedictam faciem,* dicentes prophetiza, quis te percussit? ô quanta hæc petulantia! quanta libido, non ita milites insaniunt in castellum, quod eis diripiendum traditur, cum alius diripit, alius comminuit, alius incendit, alius abigit, alius occidit &c. atq; in Christum isti debacchantur, alius eum confundit, alius capillis trahit, alius velat, alius calumniatur, alius cœdit & trudit faciem, caput, collum, peccatum, brachia, dorsum, pedes & idecirco tam minutum ab Evangelistis hæc scribuntur, ut sciamus, quanto steterit Christo nostra redemptio, & quantum illi debeamus. Addo, ut toti mundo patet, Christum abunde implevisse de se dicta Prophetarum maxime Isaiae 50. ubi dicitur à Propheta Christi personam sustinente; *Corpus meum dedi percutientibus & genas meas vellentibus &c.* Denique ut ostenderent, Christum nō se habuisse iuxta morem veteris testamenti, quo docebatur, *oculum pro oculo, dentem pro dente dandos:* sed iuxta doctrinam suam Novi Testamenti, qua docebat: *sicut percussit quis in maxillam, prebe ei & alteram,* ex charitate Christiana, modestia, patientia, humilitate, hinc non percussit Christus, aut ignem de cœlo vocavit in vindictam, aut terræ mandavit, ut dehisceret percutientibus se, aut fulmini, ut de cœlo trajiceret eos, aut naturæ, ut se cohiceret ab influxu consueto, vel ut arida manerent manus ut Jeroboamo Regi extendentem manum contra Prophetam, vel Valenti dum vult legem exilijs scribere adversus sanctum Basilium, imo subitanea morte omnes punire potuisse ut Core, Dathan &c. sed noluit vindictam, pro nostrâ omnium doctrina, qui talibus Deum quotidie quasi imbre obruiimus. & ut ejus exemplo disceremus Christianam perfectionem Novæ Legis, scilicet pati etiam alapas, colaphos, contumelias, iniuriasque pro Dei honore.

Sed ô Domine Jesu, video te conspui, cœdi, colaphis impeti, illudi & contumeliam fieri à Iudeis insidiantibus & malignantibus corporaliter, sed multo plures mysticè, quomodo verò hoc? nimur nos infelices Deo fecimus & facimus quotidie, quæ passus est à inimicis; nos Christi faciem conspuimus, cum eius Sacraenta contumeliis afficimus, cum imaginem Dei in nobis peccatis deformamus, cum proximum nostrum contemnimus & averlamur, cum religionem Catholicam mali Reformatores, revera deformatores extirpantes, auferentes omne quod Dei memoriam conserva-